



KOMUNIKADO PA PRENSA

Fecha

26 juli 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA TA DRENTA BÁNDABOU KEDA PENDIENTE PA DRECHAMENTU DI KAYA DI WESTPUNT

Willemstad – Djarason 24 di yùli último a tuma lugá un inspekshon , di e kaya Wèg naar Westpunt. Esaki ta forma parti di e megaprojekto “Inhaalslag” ku Minister Balborda a inisiá resientemente. E inspekshon ta pa opservá kon ta bai desviá tráfiko den e periodo ku mantenshon mester sosode i tambe den kuantu fase lo repartí e karetera grandi aki di 7 kilometer largu. E trabounan di mantenshon mes ta plania pa tuma luga den e lunanan benidero.

Servisio pa Obra Públiko (OW), den koperashon ku kontratistanan Curaçaose Wegenbouw Maatschappij (CWM) i MNO VERVAT, a observa kua kaya ta hanchu sufisiente pa por agrega un asina yama ‘voegweg’, ku ta nifika ku ta drecha un pida kaya den banda ya asina ku por desvia e trafiko via di un buelta.

Departamentu di Trafiko di Kuerpo Polisial di Korsou huntu ku Polis di Barber tambe tabata presente pa por aportá na un mihó desviashon i tambe pa opservá si tur kos ta kumpli ku reglanan di siguridat pa nos outomobilistanan.

Pa kualke pregunta, remarke i/of sugerensia por tuma kontakto libremente ku Ministerio di Trafiko, Transporte i Planifikashon Urbano via di email na info.vvrp@gobiernu.cw.

Minister Balborda ta gradisi tur habitante i usuario di e karetera aki adelanta pa nan kompreshon i koperashon. Tur trabou ku ta bai tuma luga ta na benefisio di primariamente e habitantenan, usuarionan i pueblo di Kòrsou en general.

Pueblo por sigui spera mas informashon den e periodo binidero di e mega-proyekto aki manera entre otro kua ta e kayanan ku ta bai sigui kune. Pueblo di Korsou por sigui tur ultimo desaroyonan di minister balborda di trafiko, transport i planifikashon urbano via di su facebook “Earl W. Balborda, Minister VVRP”.